

TONO I RARO I WAHI XVIII O TE TURE WHENUA MAORI, 1909, KIA WHAKATUTURUTIA NGĀ MOTINI.

| Nam                                                   | Nama o te Pukapuka. | Te Ingoa o te Whenua.      | Te Ahua o te Motini.                                                                           |
|-------------------------------------------------------|---------------------|----------------------------|------------------------------------------------------------------------------------------------|
| HE TONO ENEI I WHAKANUKUHIA I TERA TUUNGA O TE POARI. |                     |                            |                                                                                                |
| 44                                                    | 10128               | Pikiatua .. ..             | Ko taua whenua me hoko ki a Colin John Riddle mo te moni e £7 i te eka.                        |
| 45                                                    | 10445               | Karuotewhenua 1c 4b ..     | Ko tetahi wahi (40 eka) o taua whenua me hoko ki a George Fellingham mo te moni e £3 i te eka. |
| 46                                                    | 10446               | Karuotewhenua 1c 4b ..     | Ke tetahi wahi o taua whenua me hoko ki a A. J. Delamore mo te moni e £3 i te eka.             |
| HE TONO HOU TENEI.                                    |                     |                            |                                                                                                |
| 47                                                    | 10199               | Kinchaku Rawhiti 3d 10a .. | Ko te whenua me hoko ki a Riria Maaka me Piko Hariata mo te moni e £5 i te eka.                |

Whakaaturanga ka tu he Huinga o nga Tangata no ratou a Rangitoto A Nama 20 i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Waikato-Maniapoto ka whakaatu ka tu he huinga o nga tangata no ratou a Rangitoto A Nama 20, i runga i te whakahaerenga o Wahi XVIII o te Ture Whenua Maori, 1909, ki Rewiini a te Taite, te 3 o nga ra o Hune, 1920, a te 11 o nga haora i te ata, hei whiriwhiri i te motini e whai ake nei:—

“Ko taua whenua me hoko ki te Karauna mo nga moni e £854.”

I tubia ki Akarana i tenei te 4 o nga ra o Mei, 1920.

C. E. MAKOMIKI,  
Perehitini.

Whakaaturanga ka tu he Huinga o nga Tangata no ratou a Motatau 1c 9 i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Tokerau ka whakaatu ka tu he huinga o nga tangata no ratou a Motatau 1c 9, i runga i te whakahaerenga o Wahi XVIII o te Ture Whenua Maori, 1909, ki Kaikohe a te Mane, te 31 o nga ra o Mei, 1920, a te 4 o nga haora i te ahiahi, hei whiriwhiri i te motini e whai ake nei:—

“Ko te kirimini i mahia i te 25 o Hune, 1912, i waenganui i nga tangata no ratou nei a Motatau Nama 1 Poraka me te Kauri Kamupene (Kauri Timber Company, Limited), mo te mahi tapahi rakau me etahi atu mahi e pa ana ki taua whenua, ka whakarereketia mo Motatau 1c 9 kia noho te ra e mutu ai ki te 25 o Hune, 1921. Na ko te Kauri Kamupene i runga i te whakarereketanga o tenei rarangi o te kirimini ka whakaae ki te utu ki nga tangata no ratou te whenua i katoa o nga moni ina rite.”

I tubia ki Akarana i tenei te 3 o nga ra o Mei, 1920.

A. G. HORANA,  
Perehitini.

## HE PANUITANGA KI TE IWI MAORI.

Tari o te Minita o te Ora mo te Katoa,  
Poneke, 10 o Aperira, 1919.

I TE ekenga mai i nga motu o tawhiti ki enei motu i mua tata ake nei o te mate rewharewha uruta (*influenza epidemic*) he tino maha nga tangata o te iwi Maori me te iwi Pakeha i hingahinga i taua mate. Kei tupono tera

ano taua mate e hoki mai, notemea kua pera hoki ki etahi atu motu. Na reira ko tatou me noho i runga i te tupato me te noho tiaki ki taua mate. Ko te huarahi marama ia he whakapai i nga kainga he tahi he horoi i nga whare he koko i nga paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki me karanga he huihuinga ki ia takiwa ki ia takiwa a kia whakaturia he Komiti mo ia kainga huihuinga hei whakahaia kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko ki waho ka tapuke atu. Ko nga paru hoihoa ku ranei me whakawhaiti ka tahu ai ki te ahi. Ko nga whare me nga taiepa poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korere wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohi-pera mo te tupono rawa ake o te hoki mai o taua mate e noho rite ana he whare motuhake hei takotoranga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakaritea ana he kai-tiaki mo taua whare.

Mehemea ka rite a ka hangai hoki te whakahaere i ene tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori katoa me te iwi nui kia tahuri kia awhina i tenei mahi tino nui. Kua e waiho kia eke rawa mai te hoa riri ki runga ki te pac ka korikori ai. I tawhiti ana ia e haere ana mai e hopu ana to ringa ki te patu. To patu ki to ringa mau ai inaianei.

G. W. RUSSELL,  
Minita mo te Tari Whakaora.

T. H. A. VALINTINE,  
Apiha Tumuki o te Tari Whakaora.

## CONTENTS.

| NOTICES—                                                                 | PAGE    |
|--------------------------------------------------------------------------|---------|
| Sitting of the Native Land Court at—                                     |         |
| Whangarei .. ..                                                          | 325-328 |
| Whakatane .. ..                                                          | 328-346 |
| Kakahi .. ..                                                             | 347-352 |
| Levin .. ..                                                              | 352-356 |
| Adoption of a Child .. ..                                                | 356     |
| Meeting of Waikato-Maniapoto District Maori Land Board at Auckland .. .. | 356-358 |
| Meetings of Assembled Owners—                                            |         |
| Waikato-Maniapoto District .. ..                                         | 358     |
| Tokerau District .. ..                                                   | 358     |
| Precautions regarding Influenza .. ..                                    | 358     |

I taia i runga i te Mana o te Kawanatanga o Niu Tirenī, e MAKAKA MAKA, Kai-ta a te Kawanatanga, Poneke.